

四庫全書

史部

欽定四庫全書

兩漢博聞卷七

宋 楊侃 輯

阿房

賈山傳二十一

秦為阿房之殿

師古曰阿房者言殿之四阿皆為房也一說大陵  
曰阿言其殿高若於阿上為房也

韋帶

賈山傳

布衣韋帶之士

師古曰韋帶以單韋為帶無飾也

弧弓 韓安國傳二十二

弧弓射獵

師古曰以木曰弧以角曰弓

魯縞 韓安國傳

彊弩之末力不能入魯縞

師古曰縞素也曲阜之地俗善作之尤為輕細故

以取喻也

廟上

賈山傳贊二十一

賈山自下廟上卒免刑戮者以其言正也

孟康曰廟上者謂剗切之也蘇林曰廟音摩厲也

師古曰剗工來反

齧郝

王褒傳三十四下

孟康曰良馬低頭口至郝故曰齧郝

么磨

叙傳七上

勇如信布彊如梁籍威如王莽然卒潤鑊伏鑕亨醢  
分裂又況么曆尚不及數子

鄭氏曰曆音麼師古曰么麼皆微小之稱也么一  
堯反麼莫可反

北叟叙傳七十一

北叟頗識其倚伏

丹青之信玉莽傳六十九

明告以生活丹青之信

師古曰生活謂來降者不殺之也丹青之信言明著也

渾元

叙傳

渾元運物

師古曰渾元天地之氣也

椒除

王莽傳

羣臣扶掖王莽自前殿南下椒除

服虔曰除殿陛之道也椒取芬香之名也

秦中婁敬傳十三

師古曰秦中謂關中故秦地也

東箱

周昌傳十二

呂后側耳於東箱聽

師古曰正寢之東西室皆曰箱言似箱篋之形

大奴

昌邑哀王傳三十三

師古曰凡言大奴者謂奴之尤長大者也

南北軍

七校刑法志三

漢初天下既定踵秦置材官於郡國京師有南北軍

之屯至武帝平百粵內增七校外有樓船皆歲時講肄修武備云

晉灼曰百官表中壘屯騎步兵越騎長水胡騎射聲虎賁凡八校尉胡騎不常置故此言七也

飲泣 賈捐之傳三十四下

飲泣巷哭

師古曰淚流被面以入於口故言飲泣也

提封 東方朔傳三十五



蓋屋以東宜春以西提封頃畝及其賈直

師古曰提封謂提舉四封之內總計其數也賈讀

曰價

袒褐

貢禹傳四十二

袒褐不完

師古曰袒者謂僮豎所著布長襦也褐毛布之衣

也袒音豎

顓門

夏侯勝傳四十五

夏侯建者勝之從父子也師事勝勝非建章句小儒  
破碎大道建亦非勝為學疏畧難以應敵建卒自顯  
門

社木

睦弘傳四十五

師古曰社木社主之樹也

菜色

翼奉傳四十五

百姓菜色

師古曰人專食菜故肌膚青黃為菜色也

伏歷 李尋傳四十五

馬不伏歷不可以趨道

師古曰伏歷謂伏槽歷而秣之也

壺奧 叙傳七

究先聖之壺奧

應劭曰宮中門謂之闈宮中巷謂之壺苦本反

牛衣 王章傳四十六

師古曰牛衣編亂麻為之即今俗呼為龍具者

蹂躪

王商傳五十二

百姓奔走相蹂躪訛言大水至也

師古曰蹂踐也躪輾也蹂人九反躪音蘭

文毋害

蕭何傳九

蕭何以文毋害為沛主吏掾

蘇林曰無害言無比也一曰害勝也無能勝害之者晉灼曰酷吏傳趙禹為丞相亞夫吏府中皆稱其廉然亞夫不任曰極知禹無害然文深不可以

居大府蘇說是也師古曰害傷也無人能傷害之者蘇晉兩說皆得其意

豪吏

曹參傳九

蕭何曹參並為縣之豪吏

師古曰言為吏之豪長也

梟首

高帝紀四年

漢王西入關梟故塞王欣頭櫟陽市

師古曰梟縣首於木上

啗秦將高帝紀三年

漢王使酈食其陸賈往說秦將啗以利秦將果欲連

和

師古曰啗者以食餽人令其啗食徒濫反今言以利誘之取食為譬

甚亡謂也高帝紀五年

師古曰亡謂者失於事宜不可以訓

七大夫高帝紀

高帝詔曰七大夫以上皆令食邑

臣瓚曰秦制列侯乃得食邑今七大夫以上皆食邑所以寵之也師古曰七大夫公大夫也爵第七故謂之七大夫

省中 昭帝紀

昭帝八歲即位帝姊鄂邑公主益湯沐邑為長公主  
共養省中

師古曰以供養天子故益邑也伏儼曰蔡邕云本

為禁中門閤有禁非侍御之臣不得妄入行道豹尾中亦為禁中孝元皇后父名禁避之故曰省中師古曰省察也言入此中皆當察視不可妄也

海丞果丞

平帝紀

元始元年置少府海丞果丞各一人

師古曰海丞主海稅果丞掌諸果實也

軫獵車

宣帝紀

霍光廢昌邑王太僕以軫獵車奉迎曾孫是為宣帝



嗣昭帝後

文穎曰軫獵小車前有曲軫不衣也近世謂之軫獵車李奇曰蘭輿輕車也是時未備天子車駕故且取其輕便爾

疇其爵邑

宣帝紀地節二年

霍光薨詔曰大將軍功德茂盛朕甚嘉之復其後世疇其爵邑世世毋有所與

張晏曰律非始封十減二疇者等也言不復減也

師古曰與讀曰豫

年號

武帝紀

武帝即位年號建元元年

師古曰自古帝王未有年號始起於此

大要

陳萬年傳三十六

陳咸謂其父曰具曉所言大要教咸調也

師古曰大要大歸也

射聲

百官公卿表七上

射聲校尉掌待詔射聲士

服虔曰工射者也冥冥中聞聲則中之因以名也  
應劭曰須詔所命而射故曰待詔射也

大長秋

百官公卿表

師古曰秋者秋成之時長者恒久之義故以為皇  
后官名景帝時置皇后卿也

長信少府

百官公卿表

長信詹事掌皇太后宮景帝更名長信少府

張晏曰以太后所居宮為名也居長信宮則曰長信少府居長樂宮則曰長樂少府也

塊然

陳湯傳四十

師古曰塊然獨處之意如土塊也

廉上

趙充國傳三十九

辛武賢擊罕羌入鮮水北句廉上

服虔曰句音鉤師古曰句廉謂水岸曲而有廉稜也

倅馬

趙充國傳

趙充國上屯田奏曰至四月草生發郡騎及屬國胡騎伉健各千倅馬什二就草為田者遊兵

師古曰倅副也什二者千騎則與副馬二百匹也  
伉口浪反

薦草

趙充國傳

今虜亡其美地薦草

師古曰薦稠草也

刺舟

王莽傳六十九下

師古曰檝所以刺舟也

班輸

叙傳七十一

班輸擢巧於斧斤

師古曰班輸即魯公輸班也一說班魯班也與公輸氏為二人也皆有巧藝也故樂府云誰能為此器公輸與魯班擢專也一曰競也擢音角

鵠雀

黃霸傳五十九

京兆尹張敞舍鶡雀飛集丞相府

師古曰此鶡音芬本作鵠此通用耳鵠雀大而色青出羌中非虎賁所著虎賁鶡者色黑出上黨以其鬪死不止故用其尾飾武臣首云今時俗人所謂鶡雞者也音曷非此鵠雀也

胥靡楚元王傳六

楚王戊淫暴申公白生二人諫不聽胥靡之

晉灼曰胥相也靡隨也師古曰聯繫使相隨而服

役之故謂之胥靡猶今之役囚徒以鎖聯綴耳

部署

高帝紀

漢王引兵東定三秦部署諸將

師古曰分部而署置

屬吏

昌邑哀王傳三十三

昌邑王賀徵入嗣位過弘農使大奴善以衣車載女  
子至湖郎中令龔遂入問賀賀曰無有遂曰即無有  
何愛一善以毀行義請收屬吏以湔洒大王即粹善



屬衛士長行法

師古曰以善付吏也屬之欲反湔澣也洒濯也湔  
子顛反洒先禮反捽持頭也衛士長主衛之官捽  
才兀反

博望苑

武五子傳三十三

武帝為戾太子立博望苑使通賓客

師古曰取其廣博觀望也

禡祝

武五子傳

武帝年二十九乃得太子甚喜為立禰使東方朔枚  
臯作禰祝

師古曰禰求子之神也禮月令祀于高禰是也令  
朔等作祝禰之辭

少府私府

路溫舒傳二十二

路溫舒遷廣陽私府長

師古曰藏錢之府天子曰少府諸侯曰私府長者  
其官之長也

厄三七之間 路溫舒傳 谷永傳五十五

路溫舒從祖父受歷數天文以為漢厄三七之間

張晏曰三七二百一十歲也自漢初至哀帝元年  
二百一年也至平帝崩二百十一年

成帝時谷永曰陛下承八世之功業當陽數之標季  
涉三七之節紀直百六之災厄

孟康曰陽九之末季也至平帝乃三七二百一十  
歲之厄今已涉向其節紀師古曰直當也

土著

張騫傳三十二

身毒國在大夏東南可數千里其俗土著

鄧展曰毒音篤李奇曰一名天篤即浮屠胡是也  
師古曰即敬佛道者也土著者謂有城郭常居不  
隨畜牧移徙也著直畧反西南夷傳身毒國即天  
竺國也

不得月支要領

張騫傳

張騫至大月支留歲餘還不得月支要領

師古曰要衣要也領衣領也凡持衣者執要與領  
言騫不得月支意趣無以持歸漢故以為喻要一

遙反

先容

鄒陽傳二十一

蟠木根柢輪囷離奇而為萬乘器者以左右先為之  
容也

師古曰蟠木屈曲之木也萬乘器者天子車輿之  
屬也容謂彫刻加飾

匕首 鄒陽傳

匕首竊發

師古曰匕首短劍也其首類匕便於用也

寥廓之士

鄒陽傳

師古曰寥廓遠大之度也

糲食

司馬遷傳

糲粱之食

服虔曰糲粗米也張晏曰一斛粟七斗米為糲音

賴師古曰食飯也

杜陵男子

蕭育傳四十八

後漢楊彪傳四十四

蕭育為茂陵令扶風召詣後曹當以職事對育徑出  
曹書佐隨牽育育案佩刀曰蕭育杜陵男子何詣曹  
也

如淳曰賊曹法曹皆後曹也師古曰欲以職事責  
之也自言欲免官而去但是杜陵一白衣男子耳  
何須召我詣曹乎

後漢曹操欲殺楊彪孔融謂操曰今橫殺無辜海內  
觀聽誰不解體孔融魯國男子明日便當拂衣而去

押至息夫躬傳十五

軍書交馳而輻湊羽檄重迹而押至

師古曰押至言相因而至也

侵牟李廣利傳三十一

將吏侵牟之

師古曰侵牟言如牟賊之食苗也



質木 地理志八下

民俗質木

師古曰質木者無有文飾如木石然

虎牢 地理志八上

成臯注云故虎牢或曰制師古曰穆天子傳云七

萃之士生捕獸即獻天子天子畜之東號號曰獸

牢

句吳 于越 地理志八下

師古曰句音鉤夷俗語之發聲也亦猶越為于越

耳

勃碣

地理志

武帝紀元封元年注

勃碣之間一都會也

師古曰薊縣燕之所都也勃勃海也碣碣石也此石著海旁碣碣然特立之貌也

三楚

高帝紀

項羽自為西楚霸王

孟康曰舊名江陵為南楚吳為東楚彭城為西楚

罽毼

文帝紀七年

五行志七上

未央宮東闕罽毼災

如淳曰東闕與其兩旁罽毼皆災也晉灼曰東闕之罽毼獨災也師古曰罽毼謂連闕曲閣也以覆重刻垣墉之處其形罽毼然一曰屏也罽音浮五行志注云罽毼闕之屏也

即拜

趙充國傳三十九

上廼拜樂成侯許延壽為強弩將軍即拜酒泉太守  
辛武賢為破羌將軍

師古曰即就也就其郡而拜之

三始鮑宣傳四十二

如淳曰正月一日為歲之朝月之朝日之朝始猶  
朝也

蕭然食貨志四下

江淮之間蕭然煩費矣

師古曰蕭然猶騷然勞動之貌

子母錢

食貨志

周景王時患錢輕更鑄大錢單穆公曰不可古者量  
資幣權輕重以救民民患輕則為之作重幣以行之  
於是有母權子而行民皆得焉若不堪重則多作輕  
而行之亦不廢重於是有子權母而行小大利之今  
王廢輕而作重民失其資能無匱乎

應劭曰母重也其大倍故為母也子輕也其輕少

半故為子也民患幣之輕而物貴為重幣以平之  
權時而行以廢其輕故曰母權子猶言重權輕也  
民皆得者本末有無皆得其利也孟康曰重為母  
輕為子若市八十錢物以母當五十以子當三十  
續之民患幣重則多作輕錢而行之亦不廢去重  
者言重者行其貴輕者行其賤也

腹非

食貨志

張湯奏當異九卿見令不便不入言而腹非論死自

是後有腹非之法比

師古曰比則例也

姦鑄

赤仄

食貨志

郡國鑄錢民多姦鑄錢多輕而公卿請令京師鑄官  
赤仄一當五賦官用非赤仄不得行

師古曰姦鑄謂巧鑄之雜鉛錫應劭曰赤仄謂子  
紺錢也如淳曰以赤銅為其郭也今錢郭見有赤  
者不知作法云何師古曰凡充賦及給官用皆令

以赤仄

英錢

食貨志

漢興以為秦錢重難用更令民鑄英錢

如淳曰如榆莢也

八銖錢

高后紀

高后二年行八銖錢

應劭曰本秦錢質如周錢文曰半兩重如其文即

八銖也漢以其太重更鑄英錢今民間名榆莢錢



是也民患其太輕至此復行八銖錢

五分錢

高后紀

高后六年行五分錢

應劭曰所謂英錢者

四銖錢

文帝紀五年

食貨志

孝文時以錢益多而輕乃更鑄四銖錢其文為半兩  
除盜鑄錢令使民放鑄

師古曰恣其私鑄也

賈誼諫曰令細民人操造幣之執各隱屏而鑄作姦錢日多其為禍博矣

五銖錢

武帝紀

食貨志

武帝元狩五年罷半兩錢行五銖錢

食貨志元狩五年三官初鑄五銖錢三官謂上林三官也

契刀錯刀

食貨志

王莽居攝變漢制以周錢有母子相權於是更造大

錢徑寸二分重十二銖文曰大錢五十又造契刀錯  
刀契刀其環如大錢身形如刀長二寸文曰契刀五  
百錯刀以黃金錯其文曰一刀直五千與五銖錢凡  
四品並行

張晏曰案今所見契刀錯刀形質如大錢而肉好  
輪厚異於此大錢形如大刀環矣契刀身形員不  
長二寸也其文左曰契右曰刀無五百字也錯刀  
則刻之作字也以黃金填其文上曰一下曰刀二

刀泉甚不與志相應也似扎單差錯文字磨滅故耳師古曰王莽錢刀今並尚在形質及文與志相合無差錯

連弩

李陵傳二十四

李陵發連弩射單于

張晏曰三十秦共一臂也秦去權反

便衣

李陵傳

師古曰謂著短衣小衷也

一半冰

李陵傳

李陵令軍士人持二升糒一半冰

師古曰半讀曰判判大片也時冬寒有冰持之以

備渴也

百金稅

朱建傳十三

朱建母死辟陽侯奉百金稅

師古曰贈終者之衣被曰稅言以百金為衣被之

具稅式芮反其字從衣

問遺

婁敬傳十三

師古曰問遺謂餉饋之也

舍匿

淮南厲王傳十四

舍匿者論皆有法

師古曰舍匿謂容止而藏隱也

發車封

淮南厲王傳

淮南厲王謀逆赦死罪載以輜車令縣次傳王不食而死縣傳者不敢發車封

孟康曰檻車有封

友壻

嚴助傳三十四上

嚴助對武帝曰臣家貧為友壻富人所辱

師古曰友壻同門之壻也

搏景

主父偃傳三十四

匈奴獸聚而鳥散從之如搏景

師古曰搏擊也搏人之陰景言不可得也

刷恥

貨殖傳六十一

報彊吳刷會稽之恥

師古曰刷謂拭除之也

埒富

猗頓傳

與王者埒富

師古曰埒等也

稱之不容口

爰盎傳十九

師古曰稱美其德口不能容也

法宮

鼂錯傳十九



五帝神聖處法宮之中明堂之上

如淳曰法宮路寢正殿也

充賦鼂錯傳

鼂錯曰以臣充賦甚不稱明詔求賢之意

如淳曰猶言備數也臣讚曰充賦此錯之謙也云

如賦調也

狐白匡衡傳五十一

夫富貴在身而列士不譽是有狐白之裘而反衣之

也

師古曰狐白謂狐掖下之皮其毛純白集以為裘  
輕柔難得故貴也反衣之者以其毛在內也今人  
則以背毛為裘而棄其白蓋取厚而溫也衣於既  
反

隨牒

匡衡傳

匡衡材智有餘經學絕倫但以無階朝廷故隨牒在  
遠方

師古曰階謂升次也隨牒謂隨選補之常牒不被  
超擢者

已然諾

灌夫傳二十二

灌夫不好文學喜任俠已然諾

師古曰已必也謂一言許人必信之也


餐錢奉邑

高后紀二年

列侯幸得賜餐錢奉邑

韋昭曰稅租奉祿正所食也四時得間賜是為餐

錢餐小食也師古曰餐飡同一字耳千安反飡所謂吞食物也餐錢賜厨膳錢也奉邑本所食邑也奉扶用反



兩漢博聞卷七

欽定四庫全書

史部

兩漢博聞卷

八至  
十

詳校官編修

臣李潢

侍讀臣孫球覆勘

總校官庶吉士

臣何思鈞

校對官庶子

臣鄒奕孝

謄錄監生

臣羅佑湘

欽定四庫全書

兩漢博聞卷八

宋 楊侃 輯

大駕 法駕 小駕

輿服志二十九

胡廣漢制度曰天子出有大駕法駕小駕大駕則公卿奉引大將軍參乘太僕御屬車八十一乘備千乘萬騎法駕八卿不在鹵簿唯河南尹執金吾洛陽令奉引侍中驂乘奉車郎御屬車四十六乘小駕太僕

奉駕侍御史整車騎也

文始五行武德之舞

顯宗紀

永平三年烝祭光武廟初奏文始五行武德之舞

注云禮記曰冬祭曰烝烝衆也冬物畢成可祭者

衆前書曰文始舞者本舜韶舞也高祖六年更名

文始其舞者執羽籥五行者本周舞也秦始皇二

十六年更名五行其舞者冠冕衣服法五行色武

德者高祖四年作言行武以除亂也其舞者執干



成光武草創禮樂未備今始奏之

三老五更

顯宗紀永平二年

詔曰光武皇帝建三朝之禮而未及臨饗眇眇小子  
初行大射復踐辟雍尊事三老兄事五更三老李躬  
年耆學明五更桓榮授朕尚書其賜榮爵關內侯三  
老五更皆以二千石祿養終厥身

注云三朝之禮謂明堂辟雍靈臺也漢官儀曰三  
老五更皆取有首妻男女全具用其德行年耆高

者三公一人為三老次卿一人為五更皆冠進賢  
三老扶玉杖五更不杖其日乘輿先到辟雍遣使  
者安車迎三老五更天子迎于門屏交拜三老東  
面三公設几杖九卿正履天子親袒割俎執醬而  
饋執爵而醕五更南面三公進供禮亦如之醬醢也

橫吹

班超傳三十七

拜班超為將兵長史假鼓吹幢麾

注云古今樂錄曰橫吹胡樂也張騫入西域傳其

法於長安唯得摩訶兜勒一曲李延年因之更造  
新聲二十八解垂輿以為武樂後漢以給邊將萬  
人將軍得之在俗用者有黃鵠隴頭出關入關出  
塞入塞折楊柳黃覃子赤之楊望行人十曲橫吹  
麾幢皆大將軍所有超非大將故言假

小侯學

顯宗紀永平九年

為四姓小侯開立學校置五經師

注云袁宏漢紀曰為外戚樊氏郭氏陰氏馬氏諸

子弟立學號四姓小侯以非列侯故曰小侯

清宮

楊秉傳四十四

前漢文帝紀附

王者至尊警蹕而行靜室而止

注云蹕止行人也靜室謂先使清宮也

文帝即位使太僕嬰東牟侯興居先清宮

應劭曰舊典天子行幸所至必遣靜室今先案行  
清淨殿中以虞非常

三鱣

楊震傳四十四

有冠雀銜三鱸魚飛集楊震講堂前都講取魚進曰  
蛇鱸者卿大夫服之象也數三者法三台也先生自  
此升矣

注云冠音貫即鸛雀也鱸音善鱸似蛇臣賢案續  
漢及謝承書鱸字皆作鰠然則鱸鰠古字通也黃  
地黑文故云卿大夫服象也

三互 蔡邕傳五十下

初朝議以州郡相黨人情比周乃制婚姻之家及兩

州人士不得對相監臨至是復有三互法

注云三互謂婚姻之家兩州人不得交互為官也

鯨魚杵

蒲牢

班固傳三十下

前漢揚雄傳附

班固東都賦云發鯨魚鏗華鍾登玉輅乘時龍

注云鯨魚杵謂刻杵作鯨魚形也鏗謂擊之也薛

綜注西京賦云海中有大魚名鯨又有獸名蒲牢

素畏鯨魚鯨魚擊蒲牢蒲牢輒大鳴呼凡鍾欲令

其聲大者故作蒲牢於其上撞鐘者名為鯨魚鐘

有篆刻之文故曰華

揚雄河東賦鳴洪鐘

師古曰天子將出則撞黃鍾之鐘左五鐘皆應入  
則撞蕤賓之鐘右五鐘皆應

周廬千列

班固傳三十上

注云宿衛之廬周於宮也千列言多也

鈎陳

班固傳

周以鈎陳之位衛以嚴更之署

注云周環也鈎陳紫宮外星也宮衛之位亦象之  
嚴更之署行夜之司也

尺一詔 李雲傳四十七 陳蕃傳五十六

李雲書曰尺一拜用不經御省

注云尺一之版謂詔策也

陳蕃疏曰尺一選舉委尚書三公

注云尺一謂板長尺一以寫詔書也

肉刑 郎顗傳二十下



注云漢法肉刑三謂黥也劓也左右趾也文帝除之當黥者髡鉗城旦春當劓者笞三百當左右趾者笞五百

輦車驪駕寇恂傳十六

光武北征軍食急乏寇恂守河內以輦車驪駕轉輸前後不絕

注云驪駕併駕也輦車人挽行也

風角郎顗傳

郎顗學京氏易善風角星筭

注云京氏京房也作易傳風角謂候四方四隅之風以占吉凶也星筭謂天文筭數也

道家蓬萊山

實章傳十三

學者稱東觀為老氏藏室道家蓬萊山

注云老子為守藏史復為柱下史四方所記文書皆歸柱下言東觀經籍多也蓬萊海中神山為仙府幽經秘錄皆在焉

中書

伏湛傳十六

永和元年詔伏無忌與議郎黃景校定中書五經諸  
子百家藝術

注云中書內中之書也

名馬式

馬援傳十四

馬援善別名馬於交趾得駱越銅鼓乃鑄為式還上  
之因表曰臣援常師事楊子阿受相馬骨法今欲形  
之於生馬則骨法難備具孝武時善相馬者東門京

東門姓也  
京名也

鑄作銅馬法獻之有詔立馬於魯班門外

則更名魯班門為金馬門臣謹依儀氏等數家骨相  
以為法有詔置於宣德殿下以為名馬式

馬服君

馬援傳

馬援其先趙奢為趙將號曰馬服君子孫因為氏

注云馬服者言能服馭馬也史記曰趙惠文王以  
奢有功賜爵號馬服君

汗簡

吳祐傳五十四

吳祐父恢為南海太守祐隨到官恢欲殺青簡以寫經書諫止之

注云殺青者以火炙簡令汗取其青易書復不蠹謂之殺青亦謂汗簡

帝者諦也 李雲傳四十七

孔子曰帝者諦也

注云審諦於物也

治所 前漢朱博傳五十三

師古曰刺史所止理事處

黃綬

朱博傳

師古曰縣丞尉職卑皆黃綬

間步

朱博傳

朱博去吏間步至廷尉下雪陳咸事

師古曰去吏自解職也間步謂步行而伺間隙以

去

東脩之饋

第五倫傳三十一

大夫無境外之交束脩之饋

注云束脩束帛也脩脯也饋遺也

司馬法

孔融傳六十

注云齊威王使大夫追論古者司馬法其法論田  
及兵之法也

三閭

孔融傳

注云即屈原也掌王族三姓曰昭屈景故曰三閭

鼓行

荀彧傳六十

鼓行而前

注云謂鳴鼓而行言無所畏也

人品 郭泰傳五十八

郭泰獎拔士人皆如所鑒

注云謝承書云泰之所名人品乃定先言後驗衆  
皆服之

角立傑出

徐穉傳四十三

桓帝徵徐穉姜肱等並不至帝問陳蕃曰徐穉等孰



為先後蕃曰穉爰自江南卑薄之域角立傑出宜當  
為先

注云如角之特立也

國憂

奔國憂又曰來弔大憂

禁民二業

劉般傳二十九

劉般上言曰郡國以官禁二業至有田者不得漁捕

注云二業謂農者不得商賈也

琴增二絃仲長統傳三十九

注云三禮圖曰琴本五絃曰宮商角徵羽文王琴  
增曰少宮少商弦最清也

去符傳

竇固傳十三

竇固出玉門擊西域詔耿秉及騎都尉劉張皆去符  
傳以屬固

注云專將兵者並有符傳擬合之取信今去符傳  
皆受固之節度

清詔

第五倫傳三十一

第五種

案原本作倫今考此語雖出第五倫傳然清詔使乃倫曾孫種也

永壽中以

司徒掾清詔使冀州廉察災害舉奏刺史二千石以下

注云風俗通曰汝南周勃辟太尉清詔使荊州又此言以司徒清詔使冀州蓋三公府有清詔貲以承詔使也

去就之槩

周變傳序四十三

識去就之槩

注云槩節也候時而處不失去就也

前星

廣陵思王傳三十二

注云天官書曰心前星太子之位也

征營

鍾離意傳三十一

鍾離意上疏曰不勝愚戇征營罪當萬死

注云征營不自安也

當陽侯

清河孝王傳四十五

注云當陽今荊州也

北寺獄

千乘貞王傳四十五

北寺獄名屬黃門署前書音義曰即若盧獄也

通儒俗儒

儒林傳十七

注云風俗通曰儒者區也言其區別古今居稽先王之制立當時之事此通儒也若能言而不能行講誦而已無能往來此俗儒也

伎數

桓譚傳十八

小才伎數之人

注云伎方伎醫方之家也數謂數術史卜之官也

奏記

班固傳三十上

班固奏記於東平王蒼

注云奏進也記書也前書待詔鄭朋奏記於蕭望之奏記自朋始也

搜牢

董卓傳六十二

董卓既行廢立之事是時洛中金帛家家殷積卓縱

放兵士剽虜資物謂之搜牢

注云言牢固者皆搜索取之也

叟兵

董卓傳

呂布軍有叟兵內反引李傕入城

注云叟兵則蜀兵也漢代謂蜀為叟

百六有會

董卓傳贊

百六有會過剝成災

注云前書音義曰四千五百歲為一元一元之中

有九厄陽厄五陰厄四陽為旱陰為水初入元百  
六歲有陽厄故曰百六之會

郿塢 南北塢 董卓傳 獻帝紀 皇甫規傳五十五

董卓築塢於郿高厚七丈號曰萬歲鄠積穀為三  
十年儲自云事成雄據天下不成守此足以畢老既  
敗塢中珍藏有金二三萬斤銀八九萬斤錦綺紈素  
奇玩積如丘山

李傕移獻帝幸北鄠



注云營居曰塢一曰庠城時帝在南塢催迎帝幸  
北塢字林曰塢小障也一曰小城字或作鵠

皇甫規傳覆沒營塢塢音烏古反

鮮車怒馬

第五倫傳三十一

第五倫為蜀郡太守蜀地肥饒掾史家貲多至千萬  
皆鮮車怒馬以財貨自達倫悉遣之更選孤貧志行  
之人以處曹任

注云怒馬謂馬之肥壯其氣憤怒也

服練紅

東海恭王傳三十二

宗室東海孝王臻兄弟並有篤行母卒皆吐血毀瘠至服練紅兄弟追念初喪父幼小哀禮有闕因復重行喪制

注云既祥之後而服練也禮記曰練衣黃裏縗緣縗淺絳也

八月賜羊酒

鄭均傳十七

鄭均為尚書以病乞骸骨拜議郎告歸元和元年詔

曰鄭均前在機密以病致仕守善貞固黃髮不怠其  
賜均穀千斛常以八月長吏存問賜羊酒顯茲異行  
注云東觀記曰賜羊一頭酒二斗終其身問遺賢  
良必以八月諸物老成故順其時氣助養育之也

三關

馮衍傳十八上

上黨之地有四塞之固東帶三關西為國蔽

注云三關謂上黨關壺口關石陘關也陘音形

天心

郎顗傳二十

注云李巡曰北極天心也居北方正四時謂之北辰也

傳國璽

徐璆傳三十八

徐璆道為袁術所劫術死軍破璆得其盜國璽還許上之

注云衛宏曰秦以前以金玉銀為方寸璽秦以來天子獨稱璽又以玉羣下莫得用其玉出藍田山題是李斯書其文曰受命于天既壽永昌號曰傳

國璽漢高祖定三秦子嬰獻之高祖即位乃佩之  
王莽就元后求璽后乃出以投地上螭一角缺及  
莽敗李松送上更始更始上赤眉建武三年盆子  
奉以上光武孫堅入雒敗董卓軍於城南見井中  
有五色光堅乃浚井得璽袁術拘堅妻求之得璽  
舉以向肘時璆得而獻之

紫微宮 霍諝傳三十八

注云天有紫微宮是上帝所居也王者立宮象而

為之也

飛書

梁松傳二十四

梁松怨望乃縣飛書誹謗下獄死

注云飛書者無根而至若飛來也即今匿名書也

伊優抗髒

趙壹傳七下

趙壹詩云伊優北堂上抗髒倚門邊

注云伊優屈曲佞媚之貌抗髒高伉倖直之貌也

佞媚者見親故昇堂倖直者見棄故倚門

彈碁

梁冀傳二十四

梁冀能挽滿彈碁格五六博蹴鞠意錢之戲

挽滿猶引強也

注云藝經曰彈碁兩人對局白黑碁子各六枚先列碁相當更先彈也

格五

梁冀傳

吾丘壽王傳三十四附

注云前書吾丘壽王善格五音義云簾也蘇代反說文曰行碁相塞謂之簾絕宏簾經曰簾有四采塞白乘五是也至五即格不得行故謂之格五

六博

梁冀傳

注云鮑宏博經曰用十二棊六棊白六棊黑所擲頭謂之瓊瓊有五采按莊子云博塞以遊注云行五道而投瓊曰博不投瓊曰塞塞亦博類

意錢

梁冀傳

王符傳三十九

注云何承天纂文曰詭億一曰射意一曰射數即攤錢也

王符潛夫論曰或以遊博持掩為事



注云博謂六博掩謂意錢也

蹴踘

梁冀傳

注云劉向列傳曰蹴踘者傳言黃帝所作或曰起戰國之時蹴踘兵勢也所以講武知有材也

步驟

曹褒傳二十五

詔曰三五步驟優劣殊軌

注云孝經鈎命決曰三皇步五帝驟三王馳

掾屬

蓋延傳八

蓋延身長八尺彎弓三百斤邊俗尚勇力而以氣聞  
歷郡列掾州從事

注云古者三公下至郡縣皆有掾屬續漢志曰建  
武十八年立刺史十三人人主一州皆有從事史  
假佐每郡皆置諸曹掾郡中列掾非一延並為之  
故言歷也

甲乙科 射策

順帝紀陽嘉元年

注云前書音義曰甲乙科謂作簡策難問列置案

上在試者意投射取而答之謂之射策上者為甲  
次者為乙若錄政化得失顯而問之謂之對策

三獨坐

王常傳五

注云漢官儀曰御史大夫尚書令司隸校尉皆專  
席號三獨坐

景風

和帝永元三年

和帝詔曰高祖功臣蕭曹為首曹相國後容城侯  
無嗣宜求近親須景風紹封以章厥功

注云春秋考異郵曰夏至四十五日景風至則封  
有功

間氣

郎顗傳二十下

郎顗曰處士漢中李固元精所生王之佐臣天之生  
固必為聖漢

注云元為天精謂之精氣春秋演孔圖曰正氣為  
帝間氣為臣宮商為佐秀氣為人也

三統

陳寵傳三十六

冬至之節陽氣始萌故十一月有蘭射干芸荔之應  
天以為正周以為春十二月陽氣上通雉雞乳地  
以為正殷以為春十三月陽氣已至天地已交人以  
為正夏以為春三微成著以通三統周以天元殷以  
地元夏以人元若以此時行刑則殷周歲首皆當流  
血不合人心不稽天意

百戶牛酒

肅宗紀元和二年

詔賜河南女子百戶牛酒

注云史記封禪書百戶牛一頭酒十石臣賢謂女戶頭即今之女戶也天下稱慶恩當普洽所以男

戶賜爵女子賜牛酒

駭雞犀

西域大秦國傳七十八

注云抱朴子曰通天犀有白理如縊者以盛米置羣雞中雞欲往啄米至輒驚却故南人名為駭雞

設屏

齊王縝傳四

人君正屏有所不聽

注云白虎通曰所以設屏何以自障也示不極臣下之敬也天子德大故外屏諸侯德小故內屏

重繭

段類傳五十五

段類與東羌戰羌大敗棄兵而走追之三日三夜士皆重繭

注云繭足下傷起形如繭也淮南子曰申包胥曾繭重胝

樞機

明德馬皇后傳十

先帝防慎舅氏不令在樞機之位

注云樞機近要之官也

太后臨朝

安思閭皇后傳十下

注云蔡邕獨斷曰少帝即位太后即代攝政臨前  
殿朝羣臣太后東面少帝西面羣臣奏事上書皆  
為兩通一詣后一詣少帝

關覽

張升傳七十下

張升少好學多關覽而任情不羈



注云關涉也不羈謂超絕等倫不可羈束也

柱天

齊王縯傳四

齊王縯自稱柱天都部

注云柱天者若天之柱也

匿犀

李固傳五十三

李固貌狀有奇表鼎角匿犀足履龜文

注云鼎角頂有骨如鼎足也匿犀伏犀也謂骨當額上入髮際隱起也足履龜文者二千石見相書

金定古今事考 卷八  
儉牛

逢萌傳七十三

王君公儉牛自隱

注云口無二價時人曰避世牆東王君公儉謂平會兩家賣買之價

角力

隗囂傳三

注云角力爭力也

慰籍

隗囂傳

隗囂上書詣闕光武素聞其風聲報以殊禮言稱字

用敵國之儀所以慰藉之良厚

注云慰安也藉薦也言安慰而薦藉之良甚也

橐弓卧鼓

隗囂傳

注云卧猶息也

章鉞

李固傳五十三

李固誅弟子汝南郭亮年始成童遊學洛陽乃左提  
章鉞右秉鈇鑕詣闕上書乞收固屍不許

注云章謂所上章也鉞斧也鈇鑕也

懸師皇甫規傳五十五

皇甫規上疏乞自効懸師之費且百億計

注云懸猶停也

銀艾

張奐傳五十五

張奐曰吾前後仕進十要銀艾

注云銀印綠綬也以艾草染之故曰艾也

晏開

耿國傳九

使塞下無晏開之警

注云有警急則開門晚也

鐵券

祭遵傳十

丹書鐵券傳於無窮

注云鐵券鐵契也前書高祖與功臣剖符作誓丹

書鐵契

中藏

蓋勲傳四十八

帝曰吾多出中藏財物以餌士何如

注云中藏謂內藏也

元元

光武紀建武元年

注云元元謂黎庶也前書武帝詔勸元元師古曰

元元善意

左官

丁鴻傳二十七

丁鴻上封事曰左官外附之臣依托權門

注云左官者人道尚右舍天子而事諸侯為左官

外附謂背正法而附私家

韋帶

周磐傳二十九

周磐解韋帶就孝廉之舉

注云以韋皮爲帶未仕之服也求仕則服革帶故解之

殊死

光武紀一上

光武詔罪非犯殊死一切勿案

注云殊死謂斬刑殊絕也左傳曰斬其木而弗殊一切謂權時非久制也

史書

安帝紀五

安帝年十歲好學史書

注云史書者史籀所作凡五十五篇可以教童幼

生犀

肅宗紀元和元年

南徼外蠻夷獻生犀白雉

注云山海經曰犀似牛而豬頭黑色交州記曰犀

其毛如豕頭如馬有三角鼻上角短額上頭上角

長異物志曰角中特有光耀白理如線自本達末

則為通犀



六幽

肅宗紀章和元年

光照六幽

注云六幽謂六合幽隱之處

廊廟之計

申屠剛傳十九

注云廊殿下屋也廟太廟也國事必先謀於廊廟之所也

從官

前漢元帝紀附

永光五年秋潁川水出流殺人民吏從官縣被害者

與告

晉灼曰從官即上侍從之官也言凡為吏為從官  
其本縣有被害者皆與休告

兩漢博聞卷八

欽定四庫全書

兩漢博聞卷九

宋 楊侃 輯

六璽

紫泥

光武紀建武三年

赤眉君臣面縛奉光武以高帝璽綬

注云蔡邕獨斷曰皇帝六璽皆玉螭虎紐文曰皇

帝行璽皇帝之璽皇帝信璽天子行璽天子之璽

天子信璽皆以武都紫泥封之玉璽譜曰傳國璽

是秦始皇初定天下所刻

通中枕

鍾離意傳三十一

注云蔡質漢官儀曰尚書郎直入臺中官供新青  
縑白綾被晝夜更宿帷帳晝通中枕卧旃蓐冬夏  
隨時改易大官供食五日一美食下天子一等

方領

馬援傳十四

注云前書音義曰頸下施衿領正方學者之服也

鹿車

趙憲傳十六

趙憙避赤眉兵以泥塗友人韓仲伯婦面載以鹿車

注云風俗通曰鹿車窄小載容一鹿

文降

皇甫規傳五十五

中外共誣皇甫規貨賂羣羌令其文降

注云以文簿虛降非真心也

重問

王龔傳四十六

舊典大臣不有大罪不至重問

注云大臣獄重故曰重問成帝時丞相薛宣御史

大夫翟方進有罪上使五二千石雜問音義曰太  
獄重故以秩二千石五人同問之

桀信

竇武傳五十九

取桀信閉諸禁門

注云桀有衣戟也漢官儀曰凡居宮中皆施籍於掖  
門案姓名當入者本官為封桀傳審印信然後受之

回冗

盧植傳五十四

植上書曰今之禮記特多回冗

注云回冗紆曲也

投間

延篤傳五十四

延篤書曰百家衆氏投間而作

注云言誦經典之餘投射間隙而翫百氏也

牴謬

盧植傳

植書云周禮諸經發起牴謬

注云牴牾不成喻義之乖僻也

閎閎

章帝紀建初元年

詔曰每尋前世舉人貢士或起畎畝不繫閥閱

注云明其等曰閥積其功曰閥言務取賢才不拘

門地

嬰城卓茂傳十五

嬰城者相望

注云言以城自嬰繞

油戟杜詩傳二十一

杜詩歲中三遷為侍御史世祖召見賜以榮戟



注云漢雜事曰漢制假棨戟以代斧鉞崔豹古今  
注曰棨戟前驅之器也以木為之後代以赤油韜  
之亦謂之油戟王公以下通用之

紫艾綬

馮魴傳二十三

獲嘉侯馮石安帝寵之賜紫艾綬

注云艾即盞綠色也其色似艾

兼兩

吳祐傳五十四

吳祐諫其父欲殺青簡以寫經書曰此書若成則載

之兼兩

注云車有兩輪故稱兩也

骨鯁

來斂傳五

注云骨鯁喻正直也說文曰鯁魚骨也食骨留咽

中爲鯁

奕世

楊秉傳四十四

楊秉疏曰臣奕世受恩

注云奕猶重也

龜鼎

宦者傳六十八

宦者論云魏武因之遂遷龜鼎

注云龜鼎國之守器以喻帝位也

竹帛

和熹鄧皇后傳十

注云竹謂簡冊帛謂縑素

鍛鍊

韋彪傳十六

鍛鍊之吏持心近薄

注云鍛椎也鍛鍊成熟也言深文之吏入人之罪

猶工冶陶鑄鍛鍊使之成熟也

時髦

順帝紀贊

注云髦俊也郭璞云士中之俊猶毛中之髦

保阿傳土

順帝紀贊

注云保安也阿倚也言可依倚以取安傳姆之類也傳土謂阿母山陽君宋娥更相貨賂求增邑土也

五營

順帝紀永建元年

注云五營五校也謂長水步兵射聲胡騎車騎等

五校尉

仙人山圖

西南夷傳七十六

祚都夷者武帝所開土出長年神藥仙人山圖所居  
焉

注云劉向列仙傳曰山圖隴西人好乘馬馬踡折  
脚山中道士教服地黃當歸羌活玄參服一年不  
嗜食病愈身輕道士自云五嶽使人之名山採藥

能隨吾汝便不死山圖隨之莫知所終

晨門

王龔傳論四十六

晨門有抱關之夫

注云晨主守門晨夜開閉也史記侯嬴夷門抱關者守門必抱關故兼言之

環玦

袁譚傳六十四下

審配上書袁譚願將軍熟詳吉凶以賜環玦

注云絕人以玦反人以環

峭覈 第五倫傳論三十一

第五倫峭覈為方

注云峭覈謂其性峻急好窮覈事情

露布 李雲傳四十七

李雲素剛憂國將危乃露布上書移副三府

注云露布謂不封之也并以副本上三公府也

白越 明德馬皇后傳十

馬太后賜諸貴人白越三千端

注云白越越布也

跋扈

朱浮傳二十三

注云跋扈猶暴橫也又梁冀傳注跋扈猶強梁也

東園梓器

匱皇后傳十下

匱皇后崩斂以東園畫梓壽器

注云東園署名屬少府掌為棺器梓木為棺以漆畫之稱壽器者欲其久長也猶如壽宮壽陵之類也大臣薨亦多賜東園秘器



采女

鄧皇后傳

鄧皇后少入掖庭為采女絕幸

注云采擇也因采擇而立名

富於春秋

樂恢傳三十三

注云春秋謂年也言年少春秋尚多故稱富

姑息

朱穆傳三十三

注云姑且也息安也小人之道苟且取安也

梗槩

杜篤傳七十

杜篤曰臣所欲言陛下已知故畧其梗槩不敢具陳  
注云梗槩猶粗略也

髻

亂邊讓傳七十下

注云髻剪髮為髻也亂毀齒也大戴禮曰男八歲  
而髻女七歲而齒

巨萬

鄧皇后傳十下

賞賜巨萬計

注云巨大也大萬謂萬萬也

輶張董皇后傳十下

汝今輶張怙汝兄邪

注云輶張猶彊梁也

府帑

鄧訓傳六

注云帑金帛所藏之府

稽故

鄧訓傳

擁衛稽故令不得戰

注云稽故謂稽留事故也

註誤 光武紀建武六年

注云註亦誤也音挂

浮屠

楚王英傳三十二

注云袁宏漢記浮屠佛也西域天竺國有佛道焉  
佛者漢言覺也將以覺悟羣生也初明帝夢見金  
人長大頂有日月光以問羣臣或曰西方有神其  
名曰佛陛下所夢得無是乎於是遣使天竺問其  
道術而圖其形像焉

伊蒲塞 桑門 仁祠 楚王英傳三十二

顯宗詔天下死罪皆入縑贖楚王英奉黃縑白紬三十匹贖罪下詔曰楚王誦黃老之微言尚浮屠之仁祠何嫌何疑當有悔吝其還贖以助伊蒲塞桑門之盛饌

注云伊蒲塞即優婆塞也中華翻為近住言受戒行堪近僧住也桑門即沙門也

神道 中山簡王傳三十二

中山簡王薨詔大為修冢塋開神道

注云墓前開道建石柱以為標謂之神道

刀筆

劉盆子傳一

注云古者記事於簡冊謬誤者以刀削而除之故

曰刀筆

輕車

楊賜傳四十四

注云續漢書輕車古之戰車也雕朱輪輿不巾不

蓋苗矛戟幢麾菑側事反謂插也

伍伯 曹節傳六十八

騎營五百

注云韋昭辨釋名曰五百字本為伍伯伍當也伯道也使之導引當道陌中以驅除也案今俗呼行杖人為五伯也

充庭車 安帝紀

永初四年正月元日會徹樂不陳充庭車

注云每大朝會必陳乘輿法物車輦於庭故曰充

庭車也以年饑故不陳

口賦

光武紀建武二十二年

注云漢儀注曰人年十五至五十六出賦錢人百二十為一算又七歲至十四出口錢人二十以供天子至武帝時又口加三錢以補車騎馬

旄頭騎

光武紀建武二十八年

注云漢官儀曰舊選羽林為旄頭被髮先驅魏文帝列異傳曰秦文公時梓樹化為牛以騎擊之騎



不勝或墮地髻解被髮牛畏之入水故秦因是置  
旄頭騎使先驅

長檄

安帝紀永初元年

民訛言相驚窮困道路若欲歸本郡在所為封長檄  
注云印封之也長檄猶今長牒欲歸者皆給以長  
牒為驗

葆車

光武紀建武十三年

注云葆車謂上建羽葆也合聚五采羽名為葆

烽燧

光武紀建武十二年

注云邊方備警急作高土臺臺上作桔臯桔臯頭有兜零以薪草置其中有寇即燃火相告曰烽又多積薪寇至即燔之望其煙曰燧晝則燔燧夜乃舉烽兜零籠也

同門學

張酺傳三十五

注云張酺從祖父充與光武同門學光武即位求問充充已死又前漢孟喜傳注云同門同師學者

也

甄表門閭

安帝紀元初六年

甄表門閭旌顯厥行

注云甄明也旌章也里門謂之閭旌表者若今樹闕而顯之

苛政

光武紀更始元年

注云說文曰苛小草也言政令繁細

羽檄

光武紀更始二年

注云魏武奏事云若有急即挿以雞羽謂之羽檄

三河

光武贊

注云河南河北河東也

殿最

光武紀建武十六年

注云殿後也謂課居後也最凡要之首言課居先也

鉗鈇

光武紀

建武二十二年詔赦徒皆弛解鉗衣絲絮

注云苑解脫也鉗鉞也前書音義曰鉞足鉗也徒計反又太蓋反在徒役者不得衣絲絮今赦許之

輿地圖

光武紀建武十五年

注云廣雅曰輿載也言載在地者皆圖畫之

制詔

光武紀建武元年

注云漢制度曰帝之下書有四一曰策書二曰制

書三曰詔書四曰誡敕

赤草

光武紀

中元元年赤草生於水崖

注云赤草朱草也大戴禮曰朱草日生一葉至十  
五日已後日落一葉周而復始

幕南

光武紀建武二十二年

匈奴北徙幕南地空

注曰前書音義曰沙土曰幕即今磧也

野穀旅生

光武紀建武三年

注云旅寄也不因播種而生故曰旅

亭候

光武紀建武十二年

注云亭候伺候望敵之所前書曰秦法十里一亭

亭有長漢因之不改

牙門

袁紹傳六十四上

麴義乘勝到公孫瓚營拔其牙門

注云真人水鏡經曰凡軍始出立牙竿必令完堅

若有折將軍不利牙門旗竿軍之精也即周禮軍

旅會同置旌門是也

衿帶

杜篤傳七十

關梁之險多所衿帶

注云衿帶衣服之要故以喻之

間關

荀彧傳論六十

荀君乃越河冀間關以從曹氏

注云間關猶展轉也又前書王邑戰敗馳入宮間

關至漸臺注云間關猶言崎嶇展轉也

投綬

吳祐傳五十四



投繯而死

注云謂以繩爲繯投之而縊也繯胡犬反

庶孽

杜喬傳五十三

注云孽賤也猶樹之有孽生也

大較

延篤傳五十四

注云較猶略也

輜重

光武紀更始元年

注云釋名曰輜厠也謂軍糧什物雜厠載之以其

累重故稱輜重重直用反

屠唐鄉

光武紀

高帝紀注附

光武進屠唐子鄉

注云多所誅殺曰屠唐子鄉地名

師古曰屠謂破取城邑誅其人如屠六畜然

中堅

光武紀更始元年

衝其中堅

注云凡軍事中軍將最尊居中以堅銳自輔故曰

中堅

雲車

光武紀

注云雲車即樓車稱雲言其高也升之以望敵猶公輸般為雲梯之械

武關山為地門

劉盆子傳一

注云武關在今商州上洛縣東河圖括地象曰武關山為地門上為天齊星下為文宿辰

樓車

光武紀

或為地道衝輶撞城

注云衝撞車也輶樓車也

面縛

光武紀建武二年

注云面偕也謂反偕而縛之

占書

袁敞傳三十五

張俊自獄中占獄吏上書自訟

注云占謂口授也前書陳遵憑几口占書吏是也

盤孟銘

朱穆傳三十三

古之明君必有輔德之臣規諫之官下至器物銘書  
成敗以防遺失

注云黃帝作巾机之法孔甲有盤盂之誠太公陰  
謀曰武王衣之銘曰桑蠶苦女工難得新捐故後  
必寒鏡銘曰以鏡自照者見形容以人自照者見  
吉凶觴銘曰樂極則悲沉湎致非社稷為危也

章奏

胡廣傳三十四

注云周成雜字曰牋表也漢雜事曰凡羣臣之書

通於天子者四品一曰章二曰奏三曰表四曰駁  
議章者需頭稱稽首上以聞謝恩陳事詣闕通者  
也奏者亦需頭其京師官但言稽首言下稽首以  
聞其中有所請若罪法劾案公府送御史臺卿校  
送謁者臺也表者不需頭上言臣某言下言誠惶  
誠恐頓首頓首死罪死罪左方下附曰某官臣甲  
乙上

嚴棘

寇榮傳六

尚書背繩墨案空劾不復質确其過寘於嚴棘之下  
注云質正也确實也若角反嚴棘謂獄也易曰繫  
用徽墨寘于叢棘

珠畫祕器

袁安傳三十五

袁逢卒賜以珠畫特詔祕器

注云前書董賢死以沙畫棺音義云以朱沙畫之  
也珠與朱同祕器棺也董賢傳沙畫棺以朱砂塗  
之而又雕畫也

賜胙 鄧彪傳三十四

注云胙祭廟肉也禮凡預祭異姓則歸之胙同姓則留之宴不預祭而賜胙重之也

江沔

荀彧傳六十

注云沔即漢水也孔安國曰漢上為沔

酒鑪

孔融傳六十

注云鑪累土為之以居酒瓮如鍛鑪故名鑪字或

作鑪



縣廷

郭太傳五十八

郭太早孤母欲使給事縣廷

注云蒼頡篇曰廷直也說文廷朝中也風俗通云  
廷正也言縣廷郡廷朝廷皆取平均正直也

梁益

獻帝紀

建安十八年復禹貢九州

注云兗豫青徐荆揚冀益雍也九數雖同而禹貢  
無益州有梁州然梁益亦一地也前漢武帝置十

三郡刺史改雍曰梁改梁曰益

喉舌之官

李固傳五十三

李固曰陛下之有尚書猶天之有北斗也斗為天喉舌尚書亦為陛下喉舌斗斟酌元氣運平四時尚書

出納王命賦政四海

賦布也

注云春秋合誠圖曰天理在斗中司三公如人喉在咽以理舌語宋均曰斗為天之舌口主出政教三公主導宣君命



兩漢博聞卷九